

Hec uero hoc solum natura iure gentium sed etiam legibus populorum quibus in singulis ciuitatibus Res pu. continentur: eodem modo constitutus: ut non liceret sui commodi causa nocere alteri.

Hoc. n. spectant leges hoc uolunt: in columem esse ciuium coniunctionem: quam qui dirimunt: eos morte: exiliis: uinculis damno coherent.

Atque hoc multo magis exigit ipsa nature ratio que est lex diuina: & humana: cui parere qui uelit: omnes aut parebunt qui secundum naturam uolent uiuere: nunquam committet: ut alienum appetat: & id quod alteri detraherit sibi assumat.

Detrahere autem alteri sui commodi causa: magis est contra naturam quam mors quam dolor quam cetera generis eiusdem.

Itemque magis est secundum naturam: pro omnibus gentibus si fieri possit conseruandis aut uiuandis maximos labores molestiasque suscipere: imitantes **H**erculem illum quem hominum fama beneficiorum memor in concilio celestium collocauit: quam uiuere in solitudine: non modo sine ullis molestiis: sed etiam in maximis uoluptatibus: abundantem omnibus copiis: ut excellas etiam pulchri